

Bibël për fëmijët paraqet

Pashka e Parë



Shkruar nga: Edward Hughes
Ilustruar nga: Janie Forest
Alastair Paterson
Adaptuar nga: Lyn Doerksen
Përkthyer nga: Arianit Iljazi
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2024 Bible for Children, Inc.


E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1

Gruaja qëndronte
anës së një kodre të
zhurmshme, sytë e
saj duke vështruar
lart një skenë të
tmershme. Biri i
saj po vdiste.
Kjo nënë ishte
Maria, dhe ajo po
qëndronte pranë
vendit ku Jezusi
po gozhdohej
në një kryq.




2



Si ndodhi e gjitha kjo?
Si mundej Jezusi te
përfundonte një jetë
aq të mrekullueshme, në
një mënyrë të
tmerrshme?
Si mundej
Perëndia të
lejonte Birin e Tij të
gozdohej në kryq, dhe
të vdiste atje? A bëri
Jezusi ndonjë gabim, se
kush ishte ai vetë? A
dështoi Perëndia?

3



Jo Perëndia nuk
dështoi. Jezusi nuk
kishte bërë asnjë
gabim. Jezusi gjithnjë
e dinte se Ai do të
vritej nga njerëz të ligj.
Madje qysh kur Jezusi
ishite fëmijë, një burrë
i moshuar i quajtur
Simeon i kshte treguar
Marisë se trishtim do
të vinte.

4



Disa ditë përpara se
Jezusi të vritej, një
grua erdhi dhe derdhi
vaj të parfumuar mbi
këmbët e Tij. "Ajo po
shpërdoron para", një
dishepull u ankua. "Ajo ka bërë
një punë të mirë", Jezusi tha. "Ajo e ka bërë
për varrimin tim". Çfarë fjalë të çuditshme!

5



Pas kësaj, Juda, një nga
dymbëdhjetë dishepujt,
ra dakord ta tradhtonte
Jezusin tek krerët e
priftërinjve për 30
monedha argjendi.


6



Në festën Judease të Pashkëve,
Jezusi pati darkën e fundit me
dishepujt e Tij. Ai u tregoi
atyre gjëra të mrekullueshme
reth Perëndisë dhe premtimeve
të Tij për ata që e duan Atë.
Pastaj Jezusi dha bukë dhe
një kupë për ata, për ta ndarë.

Këto ishin për ti kujtuar
ata, që trupi
dhe gjaku i
Jezusit ishin
dhënë për të
sjellë faljen
e mëkateve.

7



Atëherë Jezusi u tha miqve të Tij, se Ai do të
tradhtohet dhe ata do vraponin tutje. "Unë nuk
do të vrapoj tutje", këmbënguli Pjetri. "Përpara se
gjeli të këndojë, ti do të më mohosh tre herë", i
tha Jezusi.


8



Më vonë atë natë, Jezusi shkoi të lutej në Kopshtin e Gjetsemanit. Disheujt që ishin me Të i zuri gjumi. "O Ati im", Jezusi u lut, "... Largoje këtë kupë nga Unë. Megjithatë, jo siç dua unë, por siç do Ti".

9

Papritmas një grup njerëzish u futën në kopësht, të drejtuar nga Juda. Jezusi nuk rezistoi, por Pjetri i preu veshin një burri. Qetësisht, Jezusi preku veshin e atij burri, dhe e shëroi atë. Jezusi e dinte që arrestimi i Tij, ishte pjesë e vullnetit të Perëndisë.



10

Turma e çoi Jezusin tek shtëpia e kryepriutit. Atje drejtuesit Judenj, thanë që Jezusi duhet të vdiste. Aty pranë, Pjetri qëndronte anash zjarrit të shërbetorëve dhe vështronte.



11

Tre herë njerëzit hodhën sytë nga Pjetri dhe thanë, "Ti ishe me Jezusin!" Tre herë Pjetri e mohoi, pikërisht ashtu si Jezusi kishte thënë. Pjetri madje edhe mallkoi dhe u betua.



12


Kiki-Riki-ii

Pikërisht atëherë një gjel këndoi. Ishte si zëri i Perëndisë për Pjetrin. Duke kujtuar fjalët e Jezusit, Pjetri qau me hidhërim.




13

Edhe Judas i erdhi keq. Ai e dinte që Jezusi nuk ishte fajtor për ndonjë mëkat ose krim. Juda mori ti kthente 30 monedhat e argjendit, por priftërinjtë nuk donin ti merrnin mbrapsht.



14



Juda i hodhi paratë poshtë, doli jashtë dhe vari veten.

15



Priftërinjtë e sollën Jezusin përpara Pilatit, qeveritarit Romak. Pilati tha, "Unë nuk gjej gabim tek ky njeri". Por turma bëritste vazhimisht, "Kryqëzoje! Kryqëzoje!"

16

Më në fund Pilati u dorëzua, dhe e dënoi Jezusin me vdekje në kryq. Ushtarët e goditën me grushta Jezusin, e pështynë në fytyrë, dhe e fshikulluan. Ata bënë një kurorë mizore me gjemba të gjatë e të mprehtë dhe ia ngjeshën Atij mbi krye. Pastaj ata e gozhduan Atë në një kryq të drunjtë që të vdiste.



17

Jezusi gjithmonë e dinte se do të vdiste në atë mënyrë. Ai dinte gjithashtu se vdekja e Tij do ti sillte falje mëkatarëve që besojnë në Atë. Dy kriminelë u kryqëzuan përkrah Jezusit. Njëri besoi në Jezusin dhe shkoi në parajsë. Tjetri nuk besoi.



18

Pas orësh vuajtje, Jezusi tha, "U krye", dhe vdiq. Puna e Tij ishte përmbushur. Miqtë e varrosën Atë në një varr privat.



19

Ushtarët romakë e vulosën dhe ruanin varrin. Tani asnjeri nuk hynte dot më brenda, as dilte dot jashtë.



20

Nëse ky do të ishte fundi i historisë, sa e trishtueshme do të ishte. Por Perëndia bëri diçka të mrekullueshme.

Jezusi nuk qëndroi i vdekur.

21

Herët në mëngjesin e ditës së parë të javës, disa nga dishepujt e Jezusit e gjetën gurin të rrokullisur tutje varrit. Kur ata vështruan brenda, Jezusi nuk ishte më atje.

22

Një grua qëndroi duke qarë pranë varrit. Jezusi iu shfaq asaj! Ajo nxitoi me gëzim të madh t'ia tregonte dishepujve të tjerë. "JEZUSI ËSHTË I GJALLË! JEZUSI ËSHTË RINGJALLUR PREJ SË

VDEKURISH!"

23

Shpejt Jezusi erdhi tek dishepujt e Tij, dhe u trgoi atyre duart e çpuara prej gozhdëve. Ishte e vërtetë. JEZUSI ISHTE I GJALLË SËRISH! Ai e fali Pjetrin që e pati mohuar, dhe u tha dishepujve tu tregojnë të gjithëve rreth Tij. Pastaj Ai shkoi përsëri në Parajsë, prej nga ku kishte ardhur atë Krishtlindje të parë.

24

Pashka e Parë

Një tregim nga Fjala e Perëndisë, Bibla

e marrë nga

Mateut 26-28, Llukës 22-24,
Gjonit 13-21

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

25

Fund

54



60

26

Ky tregim nga Bibla na tregon për Perëndinë tonë të
mrekullueshëm i cili na krijoi dhe dëshiron që
ne ta njohim Atë.

Perëndia e di që ne kemi bërë gjëra të këqija, të cilat Ai i quan
mëkate. Dënimi për mëkatin është vdekja, por Perëndia ju do juve
aq shumë sa që dërgoi Birin e Tij të vetëm, Jezusin, që të vdesë në
Kryq dhe të dënohet për mëkatet tuaja. Pastaj Jezusi u ringjall
dhe u ngrit lart në Qiell! Nëse beson në Jezusin dhe i kërkon Atij
të t'i falë mëkatet e tua, Ai do ta bëj atë! Ai do të vijë dhe do të
jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu:

Jezus i dashur, unë besoj se Ti je Perëndia i bërë njeri për të
vdekur për mëkatet e mia, dhe që Ti u ngjalle sërish. Të lutem,
eja në jetën time dhe fali mëkatet e mia, në mënyrë që unë të kem
jetë të re dhe një ditë të jem me Ty, përgjithmonë. Më ndihmo,
të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16